

Я же і сия сестра моя того пожелали,
Дабы от смерти бѣжав, от тебѣ живот прияли.

Оловернъ.

Истинну рекла еси, о блаженная жена,
425 Яко разоренъ будет мною град вашъ і стѣна,
А противные люди симъ мечем потребятся,
Естли волно под руку царскую не дадятца.

Іюдиѳъ.

Вѣмъ аз извѣстно о семь, пресвѣтлый воевода
Яко здадут град тебѣ, ібо скудна імъ вода,
430 Того ради избѣгохъ, да не общница смерти буду¹
Молю тя, мирно во власти твоей пребуду.
Купно і сия будет да неотриновѣнна.
Малодушна бо есть та дѣва, мною веденна.

Оловернъ.

І лице твое язвит сердце мое красотою,
435 Разум твой поощряет главу мою острою.
Како не мирно [л. 49] нынѣ во власти моей будеши,
Но еще славы вѣчной і чести не избудеши!
Возвѣсти мнѣ о себѣ, дабы аз тое могъ знати,
Како тебѣ есть імя, і како буду тя звати?

Іюдиѳъ.

440 Іюдиѳъ нарицаюся, тако бо есть імя мое,
Ныне же яко повѣлит звати владычество твое.
Благодарю, господи мой, аз любовь твою і милость,
Яко даровал еси мнѣ живот, і покой, і тихость.
Къ тому прошу аз, да буду вездѣ свободно ходити,
445 І да никто от воин в томъ будет ми пакостити.

Оловернъ.

Азъ повѣлеваю воемъ моим, о еже просиши,
Да свободна всегда внидешъ і изыдешъ гдѣ хоцеши,
І да никто смѣет когда от них чимъ тебѣ вредити,
Во дни і в ноци і всегда, аможе ізволиш, ходити.

¹ В рукоп.: буду смерти.